



**PANDUAN PERMOHONAN PERSIJILAN KEMAHIRAN MALAYSIA MELALUI
KAEDAH PENGIKTIRAFAN PENCAPAIAN TERDAHULU (PPT)**

RUJUKAN:

**PANDUAN PELAKSANAAN PERSIJILAN KEMAHIRAN MALAYSIA MELALUI
KAEDAH PENGIKTIRAFAN PENCAPAIAN TERDAHULU (PPT)
JABATAN PEMBANGUNAN KEMAHIRAN
2014**

Dr Auto ILPKL

Institut Latihan Perindustrian Kuala Lumpur

Jalan Kuchai Lama

58200 Kuala Lumpur

Tel: 03-79817495

<https://drautoilpkl.weebly.com/ppt.html>

A. PANDUAN PELAKSANAAN PERSIJILAN KEMAHIRAN MALAYSIA MELALUI KAEDAH PENGIKTIRAFAN PENCAPAIAN TERDAHULU (PPT)

1.0 TUJUAN

Panduan Persijilan Kemahiran Malaysia Melalui Kaedah Pengiktirafan Pencapaian Terdahulu (PPT) bertujuan menetapkan peraturan pelaksanaan permohonan Persijilan Kemahiran Malaysia melalui kaedah PPT. Panduan ini hendaklah dibaca bersama Akta Pembangunan Kemahiran Kebangsaan 2006 [Akta 652] dan panduan-panduan berkaitan dengan Persijilan Kemahiran Malaysia yang sedang berkuatkuasa.

2.0 LATAR BELAKANG

- 2.1. Pelaksanaan Persijilan Kemahiran Malaysia melalui kaedah PPT telah dilancarkan pada 13 September 1996. Kaedah ini memberi peluang kepada pekerja mahir di negara ini untuk mendapatkan pengiktirafan terhadap keterampilan serta pengalaman terdahulu yang mereka miliki;
- 2.2. Pekerja-pekerja mahir ini yang sememangnya mempunyai kemahiran dan pengalaman tetapi tidak mempunyai sijil tertentu boleh mendapatkan pengiktirafan melalui Persijilan Kemahiran Malaysia di mana mereka boleh dianugerahkan Sijil tanpa perlu mengikuti latihan secara formal; dan
- 2.3. Pekerja-pekerja mahir ini hanya perlu membuktikan keterampilan yang telah dimiliki atau diperolehi untuk dinilai dan disahkan di samping syarat-syarat lain yang telah ditetapkan seperti yang dinyatakan di dalam panduan ini bagi memenuhi keperluan Standard.

3.0 PRA-PERMOHONAN PENILAIAN KENDIRI

- 3.1. Penilaian sendiri merupakan satu konsep pra-penilaian seseorang individu (iaitu pemohon) ke atas dirinya sendiri bagi menentukan sama ada dirinya telah memenuhi keperluan Standard bagi program yang ingin dipohon;
- 3.2. Individu hendaklah membuat penilaian sendiri sebelum memohon kepada JPK dengan menilai kompetensi yang dimilikinya (secara *online* atau manual) dan mengetahui status kelayakan memohon berdasarkan keputusan analisa jurang seperti berikut:
 - a. Memenuhi semua keperluan dalam NOSS bagi bidang yang dipohon maka layak mengemukakan permohonan;
 - b. Jika jurang kompetensi kurang daripada 30% atau kurang daripada keperluan NOSS yang dipohon maka individu perlu memenuhi jurang kompetensi dengan mengikuti kursus/latihan di PB-PPT atau mana pusat latihan yang menawarkan kursus atau latihan yang berkenaan; atau

- c. Jika jurang kompetensi melebihi 30% daripada keperluan NOSS yang dipohon, maka individu belum layak memohon secara kaedah PPT.

4.0 KATEGORI DAN SALURAN PERMOHONAN

- 4.1. Persijilan Kemahiran Malaysia melalui Kaedah PPT boleh dilaksanakan secara **persijilan penuh** atau **persijilan modular** iaitu:

4.1.1 Persijilan Penuh

- a. Program yang dijalankan bagi memenuhi semua CU teras dan/atau CU elektif di dalam NOSS berkaitan yang membawa kepada penganugerahan SKM/ DKM/ DLKM.
- b. Terdapat dua (2) kategori dalam persijilan program penuh iaitu **Persijilan Mengikut Tahap** dan **Persijilan Tahap Tunggal (*Single Tier*)**.

4.1.2 Persijilan Modular

- a. Persijilan modular terdiri daripada satu atau gabungan beberapa CU bagi NOSS yang sama yang boleh membawa kepada penganugerahan Penyata Pencapaian (PC).
- b. Permohonan persijilan ini boleh terdiri daripada:
 - i. satu (1) CU; atau
 - ii. gabungan beberapa CU pada tahap yang sama
- c. Gabungan CU yang dipohon mestilah pada program yang sama dan bermula dari tahap persijilan terendah dahulu.

- 4.2. Individu boleh membuat permohonan melalui 2 saluran iaitu :

- a. JPK

Urusan pelaksanaan Persijilan Kemahiran Malaysia akan diuruskan sepenuhnya oleh pihak JPK

- b. PB-PPT

Urusan pendaftaran, kaunseling dan penilaian akan diuruskan oleh PB-PPT yang dipilih oleh calon.

- 4.3. Struktur pelaksanaan Persijilan Kemahiran Malaysia melalui kaedah Pengiktirafan Pencapaian Terdahulu (PPT) adalah seperti di **Jadual 1**.

Jadual 1: Struktur Pelaksanaan PPT

Kategori Permohonan		Saluran Permohonan	Kaedah Penilaian
1.0 Program Penuh	i. Mengikut Tahap	JPK	i. Penilaian Portfolio
		PB-PPT	i. Penilaian Portfolio ii. Penilaian Amali
		Pusat Penilaian yang diluluskan oleh JPK.	i. Penilaian Amali
	ii. Single Tier	PB-PPT	i. Penilaian Portfolio ii. Penilaian Amali
2.0 Program Modular	i. Satu (1) CU; atau ii. Gabungan beberapa CU	PB-PPT	i. Penilaian Portfolio ii. Penilaian Amali

5.0 PROSEDUR PERMOHONAN

- 5.1. Permohonan hendaklah menggunakan Borang Permohonan Pengiktirafan Pencapaian Terdahulu (PPT) yang boleh dicetak di www.dsd.gov.my atau melalui sistem pendaftaran *online*;
- 5.2. Pemohon hendaklah mematuhi syarat-syarat berikut:
- a. Berumur sekurang-kurangnya 17 tahun bagi permohonan Sijil Kemahiran Malaysia (SKM) Tahap 1, 2 dan 3;
 - b. Berumur sekurang-kurangnya 20 tahun untuk permohonan Diploma Kemahiran Malaysia (DKM) dan Diploma Lanjutan Kemahiran Malaysia (DLKM);
 - c. Memenuhi pra-syarat yang digariskan dalam Standard;
 - d. Memiliki SKM pada tahap yang lebih rendah untuk mendapatkan SKM yang lebih tinggi dalam program yang sama;
 - e. Mempunyai pengalaman kerja dalam bidang kemahiran pada tahap yang dipohon;
 - f. Membuktikan pengalaman kerja dengan mengemukakan Surat Pengesahan Majikan atau Surat Akuan Sumpah (bagi pemohon yang bekerja sendiri atau tidak dapat membuktikan pengalaman kerja terdahulu);
 - g. Bagi pemohon bukan warga negara yang bekerja di Malaysia hendaklah mematuhi syarat-syarat tambahan seperti berikut:

- i. Mengemukakan permohonan selewat-lewatnya 6 bulan sebelum tarikh tamat tempoh permit kerja;
 - ii. Mempunyai dokumen pengenalan diri yang sah;
 - iii. Memiliki permit kerja atau pas yang masih sah dan dikeluarkan oleh Jabatan Imigresen Malaysia (JIM);
 - iv. Sedang bekerja di mana-mana syarikat yang sedang beroperasi dan berdaftar di Malaysia;
 - v. Telah bermastautin melebihi tempoh dua (2) tahun di Malaysia secara berterusan; dan
 - vi. Segala urusan permohonan, kaunseling dan penilaian menggunakan Bahasa Malaysia atau Bahasa Inggeris dan dilaksanakan di Malaysia.
- h. Memenuhi syarat tempoh minimum pengalaman kerja seperti yang ditetapkan dalam **Jadual 2**:

Jadual 2: Tempoh Minimum Pengalaman Kerja

Permohonan Mengikut Tahap	Tempoh Minimum Pengalaman Kerja Dalam Bidang Berkaitan – Permohonan persijilan mengikut tahap / gabungan tahap	
	Tiada SKM dan bagi Standard yang bermula pada tahap berkenaan	Telah mempunyai SKM pada tahap terendah dari tahap yang dipohon
Permohonan bagi SATU tahap		
SKM Tahap 1	1 tahun pengalaman kerja	Tidak berkaitan
SKM Tahap 2	*2 tahun pengalaman kerja	Memiliki SKM Tahap 1 dan 1 tahun pengalaman kerja
SKM Tahap 3	*3 tahun pengalaman kerja	Memiliki SKM Tahap 2 dan 1 tahun pengalaman kerja
DKM	*5 tahun pengalaman kerja	Memiliki SKM Tahap 3 dan 2 tahun pengalaman kerja
DLKM	*7 tahun pengalaman kerja	Memiliki DKM dan 2 tahun pengalaman kerja
Permohonan bagi program VTO/VTE/VTM		
VTO (I-031-3)	≥ 4 tahun pengalaman mengajar latihan kemahiran	Tidak berkaitan
VTE (I-031-4)	Tidak berkaitan	Memiliki VTO dan satu (1) tahun pengalaman mengurus latihan kemahiran
VTM (I-031-5)	Tidak berkaitan	Memiliki VTE dan dua (2) tahun pengalaman mengurus latihan kemahiran
VTE & VTM (Single Tier)	Tidak berkaitan	Memiliki VTO dan dua (2) tahun pengalaman mengurus latihan kemahiran

Permohonan bagi GABUNGAN tahap (Termasuk permohonan <i>SingleTier</i>)		
SKM Tahap 1 & 2	2 tahun pengalaman kerja	Tidak berkaitan
SKM Tahap 2 & 3	3 tahun pengalaman kerja	Memiliki SKM Tahap 1 dan 2 tahun pengalaman kerja
SKM Tahap 1, 2 & 3	3 tahun pengalaman kerja	Tidak berkaitan
Tahap 1, 2, 3 dan DKM	5 tahun pengalaman kerja	Tidak berkaitan
Tahap 2, 3 dan DKM	5 tahun pengalaman kerja	Memiliki SKM Tahap 1 dan 3 tahun pengalaman kerja
Tahap 3 dan DKM	5 tahun pengalaman kerja	Memiliki SKM Tahap 2 dan 2 tahun pengalaman kerja
DKM & DLKM	7 tahun pengalaman kerja	Memiliki SKM Tahap 3 dan 3 tahun pengalaman kerja
Tahap 3, DKM dan DLKM	7 tahun pengalaman kerja	Memiliki SKM Tahap 2 dan 4 tahun pengalaman kerja
Tahap 2, 3, DKM dan DLKM	7 tahun pengalaman kerja	Memiliki SKM Tahap 1 dan 5 tahun pengalaman kerja
Tahap 1, 2, 3, DKM dan DLKM	7 tahun pengalaman kerja	Tidak berkaitan

***Nota: Bagi perkara bertanda (*) hanya terpakai jika sekiranya Standard tidak mempunyai tahap terendah bagi bidang yang dipohon dan tempoh pengalaman kerja minimum berpandukan tahap persijilan tertinggi yang dipohon. Tempoh pengalaman kerja tidak semestinya secara berterusan tetapi dikira secara terkumpul serta memenuhi keperluan Standard.*

- 5.3. Permohonan tahap yang lebih tinggi bagi pemohon yang telah memiliki SKM pada tahap yang rendah boleh dibuat sekiranya pengalaman kerja yang dimiliki adalah setara dengan tahap yang hendak dipohon;
- 5.4. Pemegang Sijil Kemahiran Malaysia (SKM) Peringkat Asas/Pertengahan/Tinggi adalah dibenarkan untuk memohon persijilan ke peringkat yang lebih tinggi di bawah bidang yang sama berdasarkan **Jadual 3** berikut:

Jadual 3: Tahap persijilan yang layak dipohon

Jenis Persijilan (Lama)	Tahap Persijilan Yang Layak Dipohon
SKM Peringkat Asas	SKM Tahap 2
SKM Peringkat Pertengahan	SKM Tahap 3
SKM Peringkat Tinggi	DKM

- 5.5. Bagi pemegang-pemegang sijil kemahiran atau kelayakkan lain yang dikeluarkan oleh agensi awam boleh memohon SKM melalui kaedah ini dengan mengambil kira tempoh pengalaman kerja seperti dalam **Jadual 4**:

Jadual 4 : Tempoh Minimum Pengalaman Kerja Bagi Pemegang Sijil Kemahiran / Kelayakkan Lain Yang Diiktiraf

Tahap Persijilan	Tempoh Minimum Pengalaman Kerja Dalam Bidang Berkaitan – Permohonan persijilan penuh	Telah mempunyai SKM pada tahap terendah dari tahap yang dipohon
SKM Tahap 1	6 bulan pengalaman kerja	Tidak berkaitan
SKM Tahap 2	* 1 tahun pengalaman kerja	Memiliki SKM Tahap 1 dan 6 bulan pengalaman kerja
SKM Tahap 3	* 2 tahun pengalaman kerja	Memiliki SKM Tahap 2 dan 6 bulan pengalaman kerja
DKM	* 3 tahun pengalaman kerja	Memiliki SKM Tahap 3 dan 1 tahun pengalaman kerja
DLKM	* 5 tahun pengalaman kerja	Memiliki DKM dan 1 tahun pengalaman kerja

- 5.6. Individu yang dianugerahkan Persijilan Kemahiran Malaysia yang ingin bekerja dalam industri berkaitan perlu memenuhi syarat-syarat lain yang ditetapkan oleh Agensi/Badan Perlesenan yang berkenaan
- 5.7. Permohonan hendaklah berdasarkan bidang kemahiran seperti yang tersenarai dalam Daftar Standard terkini kecuali bagi Program yang tidak boleh dipersijilkan melalui PPT iaitu :
- i. Program dibawah sub-sektor Ujian Tanpa Musnah-Minyak & Gas (*Non-Destructive Testing Services-Oil & Gas*); dan
 - ii. Program K-SLDN yang telah diluluskan sebagai NOSS.
- 5.8. Permohonan boleh dibuat secara mengikut tahap, single tier atau modular. Namun begitu, penilaian dan verifikasi dilaksanakan setiap tahap atau unit kompetensi (CU) yang dipohon bermula pada tahap yang terendah dahulu;
- 5.9. Permohonan secara single tier atau modular hanya dibenarkan melalui Pusat Bertauliah PPT (PB-PPT). Pemohon boleh mencadangkan nama PB-PPT yang dipilih semasa mengisi borang permohonan;
- 5.10. Individu boleh mengemukakan permohonan bagi satu tahap atau lebih daripada satu tahap, sama ada secara berasingan atau bergabung seperti dalam Jadual 5;

Jadual 5: Permohonan Persijilan Mengikut Tahap

Bil.	Permohonan Persijilan	Gabungan Tahap yang dibenarkan
1.	SKM Tahap 1 hingga 3	Tahap 1 sahaja
		Tahap 2 sahaja
		Tahap 3 sahaja
		Tahap 1 dan 2 sahaja
		Tahap 2 dan 3 sahaja
		Tahap 1,2 dan 3

2.	DKM dan DLKM	DKM
		DLKM
		DKM dan DLKM
3.	Gabungan SKM Tahap 1, 2, 3, DKM dan DLKM	Tahap 1, 2, 3 dan DKM
		Tahap 2, 3 dan DKM
		Tahap 3 dan DKM
		Tahap 3, DKM dan DLKM
		Tahap 2, 3, DKM dan DLKM
		Tahap 1, 2, 3, DKM dan DLKM

**Nota: Gabungan tahap selain yang dinyatakan di atas adalah tidak dibenarkan.*

5.11. Setiap permohonan yang telah lengkap diisi hendaklah dikemukakan kepada Ketua Pengarah Pembangunan Kemahiran bersama-sama dokumen berikut:

- a) Bayaran permohonan;
- b) Salinan Kad Pengenalan atau dokumen pengenalan diri pemohon yang disahkan ;
- c) Surat pengesahan majikan atau surat akuan sumpah (bagi calon yang tiada majikan atau bekerja sendiri) beserta tempoh pengalaman bekerja dalam bidang kemahiran berkenaan seperti contoh di Lampiran 1;
 - i. Lampiran 1a (Contoh surat pengesahan majikan);
 - ii. Lampiran 1b (Contoh surat akuan sumpah bagi pemohon pemilikan tunggal); dan
 - iii. Lampiran 1c (Contoh surat akuan sumpah bagi pemohon bekerja sendiri/berpegalaman yang tidak mempunyai syarikat).
- d) Salinan Sijil tertinggi yang dimiliki dan disahkan (jika ada); dan

5.12. Pengesahan salinan dokumen-dokumen hendaklah dibuat oleh majikan, pegawai kerajaan kumpulan Pengurusan dan Profesional atau Ketua Kampung/Mukim/Penghulu;

5.13. Permohonan yang tidak lengkap atau tidak memenuhi syarat yang ditetapkan akan ditolak dan bayaran tidak akan dikembalikan sekiranya resit rasmi telah dikeluarkan.

6.0 KADAR FI DAN CAJ PERMOHONAN

6.1. Kadar fi dan caj permohonan mengikut kadar fi dan caj yang sedang berkuatkuasa; dan

6.2. Bayaran bagi setiap permohonan hendaklah dibuat dalam bentuk Kiriman Wang, Deraf Bank, Pesanan Kerajaan (L.O.) dan atas nama `KETUA PENGARAH PEMBANGUNAN KEMAHIRAN' yang memiliki tempoh sahlaku sekurang-

kurangnya tiga (3) bulan dari tarikh permohonan diterima dan bentuk bayaran lain yang dibenarkan oleh JPK dari masa ke semasa.

- 6.3. Bagi permohonan Persijilan Modular Kadar Fi dan Caj dikenakan kepada calon bagi setiap CU yang didaftarkan dalam satu masa.

7.0 PERSONEL PPT

- 7.1. Calon, Pegawai Penilai (PP-PPT), Pegawai Pengesah Luaran (PPL-PPT) dan Penyelaras-PPT merupakan personel PPT yang terlibat secara langsung sepanjang proses Persijilan Kemahiran Malaysia melalui kaedah PPT. Kriteria, peranan dan tanggungjawab bagi personel PPT boleh dirujuk dalam panduan berikut:

- a) Panduan Calon– Pengiktirafan Pencapaian Terdahulu (Calon-PPT);
- b) Panduan Pegawai Penilai – Pengiktirafan Pencapaian Terdahulu (PP-PPT);
- c) Panduan Pegawai Pengesah Luaran – Pengiktirafan Pencapaian Terdahulu (PPL-PPT); dan
- d) Panduan Pusat Bertauliah – Pengiktirafan Pencapaian Terdahulu (PB-PPT) – Penyelaras-PPT.

- 7.2. Personel PPT tidak boleh mempunyai kepentingan, hubungan kekeluargaan atau peribadi di antara satu sama lain dalam proses pelaksanaan penilaian. Personel berkenaan hendaklah segera memaklumkan kepada pihak JPK sekiranya perkara ini berlaku; dan

- 7.3. Tindakan akan diambil oleh JPK sekiranya ada aduan berkaitan ketidaktelusan atau salah guna kuasa oleh Personel PPT.

8.0 PENILAIAN KETERAMPILAN

- 8.1. Penilaian keterampilan dilaksanakan bertujuan untuk menyemak, menilai dan mengesahkan bukti-bukti keterampilan yang dikemukakan atau tahap keterampilan calon melalui dua (2) kaedah penilaian iaitu:

- iii. Penilaian Portfolio; atau
- iv. Penilaian Amali.

- 8.2. Penilaian keterampilan dilaksanakan bagi memenuhi keperluan Standard yang ditetapkan;

- 8.3. Semasa pendaftaran, calon dikehendaki memilih kaedah penilaian keterampilan yang ingin diikuti iaitu samada Penilaian Portfolio atau Penilaian amali;

- 8.4. Pelaksanaan mengikut penilaian keterampilan yang dilaksanakan adalah merujuk panduan-panduan berikut:
- v. Panduan Pelaksanaan Persijilan Kemahiran Malaysia Melalui Kaedah Pengiktirafan Pencapaian Terdahulu (PPT) melalui Penilaian Portfolio (mengikut tahap, *Single Tier* atau Modular); dan
 - vi. Pelaksanaan Persijilan Kemahiran Malaysia Melalui Kaedah Pengiktirafan Pencapaian Terdahulu (PPT) melalui Penilaian amali (mengikut tahap, *Single Tier* atau modular).
- 8.5. Penilaian hendaklah dilaksanakan dalam tempoh yang ditetapkan seperti di dalam **Jadual 6** selepas notis penugasan PP-PPT dikeluarkan; dan

Jadual 6: Kaedah dan Tempoh Penilaian Maksimum

Tahap Persijilan	Kaedah	Tempoh Penilaian Maksimum
SKM Tahap 1/2/3	i. Penilaian Portfolio atau	2 bulan
	ii. Penilaian amali	
DKM/DLKM	i. Penilaian Portfolio + Penilaian Laporan Pengalaman Keterampilan Terdahulu (LPKT); atau	5 bulan (2 bulan – portfolio / penilaian amali; 3 bulan – LPKT)
	ii. Penilaian amali + Penilaian Laporan Pengalaman Keterampilan Terdahulu (LPKT)	
VTO	i. Penilaian Portfolio + Pembangunan WIM + Pembentangan (Teknik Mengajar)	2 bulan
VTE/VTM	i. Penilaian Portfolio + Penilaian Laporan Pengalaman Keterampilan Terdahulu (LPKT)	5 bulan (2 bulan – portfolio; 3 bulan – LPKT)

- 8.6. Tempoh penilaian adalah sama walaupun permohonan dibuat pada satu tahap atau mengikut gabungan tahap (*Single Tier*) di mana tiada tambahan tempoh penilaian diberikan jika sekiranya calon memohon lebih daripada satu tahap. Penetapan tempoh penilaian juga berdasarkan kepada tahap tertinggi yang dipohon oleh calon.
- 8.7. Bagi Program Modular tempoh penilaian adalah seperti **Jadual 7** :

Jadual 7: Tempoh Penilaian bagi Program Modular (Maksimum)

Bil Permohonan Persijilan Modular	Tempoh Penilaian Maksimum	Proses Penilaian
1 hingga 5 CU	1 bulan	i. Penilaian Portfolio atau ii. Penilaian Amali
6 hingga 10 CU	2 bulan	i. Penilaian Portfolio atau ii. Penilaian Amali
Lebih dari 10 CU	3 bulan	i. Penilaian Portfolio atau ii. Penilaian Amali

- 8.8. Permohonan pelanjutan tempoh penilaian hanya dibenarkan atas sebab masalah kesihatan dan bukti perlu dikemukakan bagi menyokong permohonan pelanjutan tersebut.

9.0 VERIFIKASI

- 9.1. Verifikasi bertujuan mengesahkan pelaksanaan penilaian yang dilaksanakan oleh PP-PPT terhadap calon;
- 9.2. Verifikasi akan dilaksanakan oleh Pegawai Pengesah Luaran (PPL-PPT) atau personel yang dilantik oleh Ketua Pengarah Pembangunan Kemahiran;
- 9.3. Bagi permohonan single tier secara Penilaian Portfolio verifikasi akan dilaksanakan pada semua tahap. Penilaian tidak akan dilaksanakan kepada tahap yang lebih tinggi sekiranya bukti-bukti keterampilan yang dikemukakan tidak memenuhi dan menepati keperluan standard bagi tahap yang lebih rendah dalam program yang dipohon;
- 9.4. Bagi permohonan modular setiap program yang berbeza akan diverifikasi secara berasingan; dan
- 9.5. Laporan verifikasi PPL-PPT perlu dikemukakan kepada Jabatan dalam tempoh sepuluh (10) hari bekerja selepas lawatan verifikasi dilaksanakan. Laporan tersebut hendaklah disertakan bersama-sama dokumen berikut, iaitu:
- i. Laporan Verifikasi PPL-PPT; dan
 - ii. Borang Permohonan Persijilan Kemahiran Malaysia melalui kaedah Pengiktirafan Pencapaian Terdahulu (PPT).

10.0 PERSIJILAN

10.1. Persijilan Bagi Program Penuh

- a) PPL-PPT hendaklah mengemukakan Borang Permohonan Persijilan Kemahiran Malaysia melalui Kaedah Pengiktirafan Pencapaian Terdahulu (PPT) mengikut kaedah penilaian yang sedang berkuatkuasa.
- b) Bagi permohonan mengikut tahap, persijilan akan dianugerahkan mengikut setiap tahap yang layak. Manakala permohonan secara *single tier*, SKM/DKM/DLKM hanya dikeluarkan pada tahap tertinggi yang dipohon (sekiranya layak).
- c) Syarat penganugerahan persijilan adalah seperti seperti di dalam **Jadual 8** berikut:

Jadual 8: Syarat penganugerahan persijilan

Program	Syarat penganugerahan	
	Permohonan mengikut tahap	Permohonan <i>single tier</i>
SKM tahap 1, 2 dan 3	Terampil semua duti / unit kompetensi	Terampil semua duti / unit kompetensi
VTO	i- Terampil semua <i>duties</i> dan <i>tasks</i> / unit kompetensi; ii- Terampil sesi pembentangan (Teknik Mengajar); dan iii-Terampil pembangunan WIM (3 set teori dan 3 set praktikal).	Tidak berkenaan
Program DKM/DLKM (termasuk program VTE/VTM)	i-Terampil semua duti/unit kompetensi; dan ii-Terampil penilaian LPKT	i-Terampil semua duti/unit kompetensi; dan ii-Terampil penilaian LPKT
Penyata Pencapaian (PC)	Terampil sebahagian duti / minima satu (1) unit kompetensi	Tidak berkenaan

- d) Calon yang gagal boleh memohon semula dengan mengemukakan permohonan yang baharu.

10.2. Permohonan Penyata Pencapaian (PC) Bagi Program Modular

- a) Penyata Pencapaian (PC) hanya akan dianugerahkan kepada calon yang mencapai tahap keterampilan yang digariskan di dalam Standard serta syarat-syarat tambahan lain yang ditetapkan;
- b) Penganugerahan Penyata Pencapaian (PC) hanya akan merujuk kepada borang Permohonan SKM/DKM/DLKM Melalui Kaedah Pengiktirafan Pencapaian Terdahulu (PPT) yang telah disahkan oleh PPL-PPT;
- c) Bagi calon yang telah memenuhi semua CU boleh memohon SKM/DKM/DLKM tanpa bayaran dengan memenuhi syarat-syarat berikut, iaitu:
- i Terampil semua CU;
 - ii Terampil sesi pembentangan dan penulisan laporan (DKM/DLKM);
 - iii Bagi calon yang gagal mana-mana syarat di atas atau tidak hadir sesi pembentangan, calon akan dianggap gagal.
- d) Permohonan hendaklah dikemukakan kepada Ketua Pengarah Pembangunan Kemahiran bersama-sama dokumen sokongan:

- i. Borang Permohonan SKM/DKM/DLKM Melalui Kaedah Pengiktirafan Pencapaian Terdahulu (PPT) yang telah disahkan oleh PPL-PPT;
 - ii. Mengemukakan Penyata Pencapaian (PC) asal bagi setiap CU program yang dipohon; dan
 - iii. Salinan Kad Pengenalan/ Passport pemohon
- e) Bagi calon yang gagal, calon hendaklah memohon semula dengan mengemukakan bayaran pendaftaran yang baharu.



PERKHIDMATAN KAMI

Servis dan Pembaikan Kenderaan Ringan
Kursus Reskilling, UpSkilling dan CrossSkillling
(HRDF Claimable):

- *Pembaikan Kenderaan Ringan**
- *Kenderaan Hibrid**
- *Sukan Pemotoran**
- *Vehicle Engine Performance Tuning**

*Yuran kursus berbeza mengikut modul

Persijilan Untuk Pekerja Mahir (SKM - PPT):

- *Portfolio (Yuran Persijilan: RM 500.00)***
- *Penilaian Amali (Yuran Persijilan: RM 1000.00)***


**Tertakluk pada terma dan syarat

Temui kami:



Dr Auto ILPKL


*Institut Latihan Perindustrian Kuala Lumpur
Jabatan Tenaga Manusia, Kementerian Sumber Manusia
Jalan Kuchai Lama, 58200 Kuala Lumpur*

 **Dr Auto ILPKL (03-7981 7495) - Emi/Din/Kheidir/Jue**



018 - 9722787 (Abdul Shokor)

"Dunia Dapat, Akhirat Dapat"



Dr Auto ILPKL

DR Auto ILPKL Oil Service Package

SUPER SAVER OIL SERVICE PACKAGE



**PZR SUPER SYNTHETIC, 4 + 1 LITRE
(SAE 5W-40 API SN)
OIL FILTER + LABOUR
RM 210.00**

<https://drautoilpkL.weebly.com/product-price-list.html>

SMART SAVER OIL SERVICE PACKAGE 3L



**PZR SEMI SYNTHETIC, 3L
(SAE 10W-30, SAE 10W-40 API SN)
OIL FILTER + LABOUR
RM 90.00**

<https://drautoilpkL.weebly.com/product-price-list.html>

SMART SAVER OIL SERVICE PACKAGE 4L



**PZR SEMI SYNTHETIC, 4L
(SAE 10W-30, SAE 10W-40 API SN)
OIL FILTER + LABOUR
RM 135.00**

<https://drautoilpkL.weebly.com/product-price-list.html>

#MembeliSambilBeramal #DuniaDapatAkhiratDapat

Pulzar @ Dr Auto ILPKL Price List

PZR SUPER SYNTHETIC X-TREME (SAE 5W-30 ACEA C3)



RETAIL SELLING PRICE:
**RM 70 (1 LITRE)
RM 260 (4 + 1 LITRE)**

<https://drautoilpkL.weebly.com/product-price-list.html>

PZR SUPER SYNTHETIC (SAE 5W-40 API SN)



RETAIL SELLING PRICE:
**RM 60 (1 LITRE)
RM 185 (4 + 1 LITRE)**

<https://drautoilpkL.weebly.com/product-price-list.html>

PZR SEMI SYNTHETIC (SAE 10W-30, SAE 10W-40 API SN)



RETAIL SELLING PRICE:
**RM 65 (3 LITRE)
RM 85 (4 LITRE)**

<https://drautoilpkL.weebly.com/product-price-list.html>

PZR SEMI SYNTHETIC FOR HYBRID ECO CAR (SAE 5W-30 API SN)



RETAIL SELLING PRICE:
RM 90 (4 LITRE)

<https://drautoilpkL.weebly.com/product-price-list.html>

PZR HIGH MILEAGE OIL (SAE 15W-40 API SN)



RETAIL SELLING PRICE:
**RM 20 (1 LITRE)
RM 85 (4 + 1 LITRE)**

<https://drautoilpkL.weebly.com/product-price-list.html>

PZR SEMI SYNTHETIC (SAE 10W-40 API SN)



RETAIL SELLING PRICE:
**RM 25 (1 LITRE)
RM 110 (4 + 1 LITRE)**

<https://drautoilpkL.weebly.com/product-price-list.html>

Hubungi kami: 03-7981 7495 (Emi/Din/Kheidir/Jue)

Our Strategic Partner

